

56

Ռ. ԱՍԱՍԵԱՆ



ՓՈՒՔԻՒԿ ՀՆԲՈՍԱԸ



Թրփահայ կեանքի անկումը




1911

ԵՒՂՈՎԻՍ.


(3. հրատարակում)

Հնգամսյակ
160

Ռ. ԱՍԱՍԵԱՆ



ՓՈՒԳՐԻԿ ՀՆՐԱՍԸ



Թրքահայ կեանքի անկումը

*Մ. Բ. Բաբայանի Գրքանոցից
Միսրի Բաբայանի Գրքանոցից
Հայաստանի Գրքանոցից*

1911

ԵՒԴՈԿԻՍ

1777



359
(39) 160-2014



20th

Մերելի ուսուցիչ

ՏԵԱՐ

ՅՈՎՀԱՆԻԿ ԱՐՄԱՆԵԱՆԻ

Լիլիթ

ՅԱՌԱՋԱԲԱՆ

Իողողոց ֆաշերով կիցնեմ հրապարակ ներկայ փախակը հրատարակելու միակ փափաքով :

Ձեռ յառակնիր պարծենալու թե՛ Հայ — Իրականութեան ծառայութիւնն իր կը մասնագնեմ ալում . երբէ՛ յունիսն ալ սարժակիք՝ որ ֆիլերու միայն յասուկ է :

Կրսեմ թե ամեն փափաք իր ֆաղդութիւնը ունի . երբ առոյգ է ալ ուրեմն սրդարացած կը գնեմ իմ յանդուզն ձեռնարկ — ծնունդ պատասնեկան աննեղ իղձի :

Այս անկեղծ խոստովանութիւնս յուսմ կարժանանայ Պատ . Բենադասներու ներողամտութեան :

1 Ապրիլ 911

Եղոնիս

Հեղինակը

ՓՈՔՐԻԿ ՀԵՐՈՍԸ

ՓԼՈՒԽ , Ա



Խարրերթի նահանգին **Կ . գիւղէն** , երկու երիտասարդներ 1908 թուականին Ակն պիտի երթային գործ մը որոնելու նպատակաւ :

Ատեցմէ մին հագիւ 17 տարու էր խի միւսը 19 :

Բողոքախնդիր երիտասարդները , կը մտա-
զրրեն , առտու կանուխ , արշալոյսը ծագելէն ա-
սաջ , ճամբայ կ'ընել : Գիշերուան ճիշտ ժամը
7 ին (ալա - թուրքա) կը հաւաքուին իրենց
մէջ ժամադրուած վայրը . մի քիչ խտակցեցնէն
վերջ սեղանի . պատրաստ բլլալով՝ կ'ընթրեն . յե-
տոյ պէտք կըլած ճամբու պաշարը առնելով՝
բաժանումի հրաժեշտը կուտան իրենց ծնողաց
և կ'ընեն ճամբայ :

Մայրսի գարնանային , գեղեցիկ ու պայ-
ծառ կադրուրիչ օդով արշալոյս մը սկսած
էր ծայր տալ , մանաւանդ ընտելեան զարթ-

նուժի աստիճանները՝ անասուններն ու հովիտները
իրենց կանանց զգեկոտներով՝ բնութեան զարդը
կը կազմէին . գոյնզգոյն ծաղիկներ իրենց ալա-
բուրումներով՝ հլաւքանց վաղ մը կուտան զե-
գեցիկ բնութեանն . տեսակ տեսակ սիրուն խրո-
չումներ ճիւղէ ի ճիւղ թուշակերով՝ կը ճառագեն
կը գայլալեն , հրացում , ցնծութիւն , բարութիւն
ներշնչելով ունկնդրին . անոր մէջ զեղեցիկու-
թեան ճաշակը նրբացնելով հանդերձ զէջ ի վր-
սեմը ձգտելու իղձն ալ կը զօրացնեն :

Ահաւասիկ այսօրսի առաւուս մ'էր որ ,
սոյն երկու երիտասարդները լուս ու մունջ կը
ճամբորդեն զէպի Ակն . իրենց ազազայ մը շի-
նելու զեղեցիկ յոյտերով սուրի , բայց բնաս չէին
մտածէր թէ արդեօք պիտի յաջողին :

Այսպէս բուսական մամանակ յառաջանա-
լով , հասան քրդահան մի քանի գիւղեր , որոց
միայն աքաղաղներուն կուկուրկուռն , ճառե-
րուն խշխշոցը և հովին սուլումը կը լսուէր .
մի քանի մղոն ևս յառաջանալով , հասան Եփ-
րատի ճիւղերէն մէկուն ախուռքը , որ խոհա-
չելով կ'ընթանար իր կուռագի ու արխանս ա-
լիքներով , որոց պիտի խառնուէր քիչ վերջ

անմեղի մը արիւնն ալ :

Արեւ լուներու գազաթէն հսկայաքայլ
բարձրանալով սկսած էր իր ոսկեգոյն ճառ-
գալթները սփռել ու տարածել բուրբառաւեա
զարունով ընդելուզեալ երկրին վրայ . երկու
անմեղ ճանապարհորդները տեսնելով Սասուա-
ճային այս հրաքանչ պարզէր գմայլումով կը
ղիտէին պարզուած տեսարանը և չէին յագե-
նար . մաախոն ու սնշարթ երեսոյթով սեւեւե-
լու իրենց նայուածքը շիւղի մը ծայրէն կախ-
ուած մի կաթիլ ցօլկն , որի մէջն անդրադառ-
նալով Արեգական ճաճանչները կարկեհանի մը
երեսոյթը կուտային անոր :

Մերթ կը խօսէին , մերթ կ'երգէին յա-
փշտակուած և երբեմն ալ լուսթիւնը կը տիրէր
երկուքին մէջ :

Քիչ վերջ կը մտնեն խորունկ ձոր մը ,
որ շրջապատուած էր համակ վիթխարի , դա-
բաւոր մայրի ու կաղնիի ծառներով :

Այս տեսարանը անհասց պրեքաւ երի-
տասարդներուն , որոնք մեռելային լուսթեան
մը մէջ սկսած արհաւիրք ու ստիւմ ունենալ :

Յառաջացան սակայն արհամարհելով զի-

րենք պաշարող սարսափը և վերջապէս կրցին անլուսանք դուրս ելնել այս տիրատեսիլ ու վրտանդաւոր ձորէն : Եւ ահա կրկին երեցաւ Եփրատը , որ սուբարլով դուրս կ'ելնէր անտառի մը մէջէն . հազիւ թէ դուրս ելած էին ձորէն , յանկարծ հրացանի պայթում մը լսուեցաւ , երիտասարդները կանգ առին յանկարծ սարսափահար . շուարած էին այս անակնկալ պատահարէն և կ'ունկնդրէին ձայնին շուտով կողմը . և ահա հրացանի երկրորդ պայթում մը , բռւմ բռւմ , որուն կը յաջորդէ երրորդ մ'ալ :

Անխորձ ձամբորդները քարացած էին ձորին առջև , շատ չ'տեսեց և ահա նշմարեցին երկու ձիաւորներու ստուերներ , որոնք գէպի իրենց կը յառաջանային . այլ ևս կատկած չի մնաց , գիւրութեամբ կրցին գուշակել թէ՛ անոնք էին քիւրտ աւազակներ :

Անմիկնելի էր այս պահուն զգացած սուկումին , սահայն Յակոբ շտանց կորոնցներու պողարիւնութիւնը , խզից լուծիւնը և բաւրնկերին .

— Ի՞նչ պէտք է ընել կարօ . դէպի մեզ կուգան , պէտք է անխղճօրէն սպաննուիլ առանց բան

մը կարենալ ընելու :

— Պէտք է փախչիլ պատասխանեց Կարօ կրտուկ շեշտով մը :

— փախչիլ , մրտաց Յակոբ , բայց ու՞ր , քանի որ չունինք ոչ զէնք և ոչ ձի . իսկ անոնք զինուած են շէշտէ հրացաններով և ունին իրենց տակ արագնթաց ձիեր :

— Ուրեմն ի՞նչ ընենք , քանի որ չունինք վերկուժեան սր և է միջոց :

— Սպասենք թէրես մեզի հարուստ կարծելով կողպտուկ միայն ուզեն , բաւ Յակոբ տխուր համակերպութեամբ :

— Յակո՛ւր , Յակո՛ւր , ի՞նչ կըսես . դու չե՞ս գիտեր քիւրտին ինչ տեսակ արարած մ'ըլլար . կը մտնու՞ծ թէ՛ անիկալ մեր անհաշտ թշնամին է . թշնամի մեր կեանքին , պատուոյն և մեր ստացուածքին . եթէ այսպէս գլուխ ծռենք անոնց առջև , թէրես . . . :

— Թէրես ի՞նչ , գոչեց Յակոբ , սրտաձայն :

— Մեզ կ'սպաննեն անգթարար ու մեր մարմինը Եփրատի յորձանքներուն մէջ կը թաղեն :

— Մի արաստաներ այդ ստակալի բառը , ընկեր , մի արթնցներ տխուր յիշատակներս .

թէպետե կ'արհամարհեմ մահը , ինձ համար
նշանակութիւն չունի այն , սակայն ունիմ ծը-
նող մը , մայր մը անօգնական , որ միայն իմ
իննամքիս կը կարօտի , այս մտածումն է որ զեւ
կ'ահարեկէ :

Խեղճ Յակօր թէեւ աներկիւղ կը ցուցնէր
ինքզինք մահուան առջև , բայց միևնոյն ժա-
մանակ տագնապներով պաշարուած էր , ահա-
ւոր ճգնաժամի մը մէջ կը գտնուէր . միակ մը-
տածումը որ կը յուզէր զինքը , սա էր . ինչ
ստակալի է մեռնիլ ծաղիկ հասակին մէջ , և եթէ
վիճակուած էր իրեն այս բաղդը ինչ պիտի ըլ-
լար իր խեղճ մայրը :

Այս ախուր մտածումը որ փայլակի մը
արագութեամբ անցաւ Յակօրի մտքէն , լուրջ
անօր աչքերէն արցունքի երկու խոշոր կաթիլ-
ներ և խուլ հեծկկառնք մը քամեց տարարազդ
երիտասարդին մարմինը :

Վայրկեանները կը սահէին սակայն . փրք-
կարար գիրք մը ընտրել պէտք էր իրենց հա-
մար . աեզը տափարակ էր . ոչ մէկ ժայռ , ոչ
մէկ ծառ՝ որ զէթ սպաստանէին ետին . քանի
մը վայրկեանէն ձիաւորները իրենց քով հա-

սած պիտի ըլլային արզէն . երկու երիտասարդ-
ները սկսան զէպ 'ի ձորը վազել խելակորոյս .
այս փորձն ալ սպարդիւն եղաւ , վառնզի ա-
հա անկզ ձայն մը՝ որ շահթի մը պէս հասաւ
իրենց տէրանջին . « կեցե՛ք . » խեղճերը կանգ
առին սարտափահար և ետին գտնալով տե-
սան երկու արիւնտուշտ ու վիթխարի քիւրտեր ,
զինուած յտից ցլլուխ :

Այլ ես հնար չէր քայլ մ'եւս առնել . այլ
համբերատար ողբով սպասել վաղճանին ու
յանձնուիլ ձակատազրին :

— Ո՛վ էք դուք , գոռաց ձիաւորներէն մէկը ,
խոպոտ ձայնով :

— Խարբրդցի Հայեր ենք , պատասխանեց
կարօ աներկիւղ :

— Վայ եեղիտ՝ մոնջեց քիւրտը , ու կտտա-
ղութենէն կրակ կտրած հանեց սուրը պատ-
եանէն և ահեկի հարուածով մը երկուքի բաժ-
նեց տարարազդ կարօի դանիը . զո՛ր թաւա-
լեցաւ գետին արիւնլուայ , և մահը վայրկե-
նական եղաւ :

Յակօր ստիկումէն քարացած մնացր էր
— Ստակէ՛ այդպէս , կեալու՛ն , պօռաց մար-

դասական աւագակը . ալ հերիք զբաղեցանք
 ձեր անօրէն Ազգով , հերիք օգր սպականե-
 ցիք ձեր ազատաշունչ երգերովը , և մեր հայ-
 բերուն ու պապերուն արիւնովը վաստկուած
 երկրին ալ աչք կը տնկէք , Հայաստան պո-
 ռալով ու շան պէս ոռնալով . դուք մեր գերին
 էք , իրաւունք ունինք մեր քմահաճօյքին ծա-
 ռայեցնել Ձեզ . Ձեզի համար չ'կայ Ազատու-
 թիւն , դուք անհաւատներ էք , եթէ խաղա-
 գութիւն գտնել կուզէք , պէտք է որ ուրա-
 նաք ձեր պիղծ կրօնքը և ընդունիք մեր սուրբ
 հաւատքը . այն ատեն մեզի պէս ազատ և
 հանգիստ կ'ըլլաք :

Խեղճ Յակօբ արձանացած կը մնար ,
 տեսնողը պիտի կարծէր թէ՛ խորին ուշադր-
 րութեամբ մտիկ կընէ պոռոտախօս աստեա-
 լանին քարոզը . մինչդեռ սնիկա աչքին առջև
 խոշտանգուած անբաղդ ընկերին վրայ սեւե-
 ոած էր նայուածքը . մարդախոշոչ գազանի
 մը ձեռքով գործուած վայրագ սպանութեան
 մը ահուկի տեսիլը անզգայացուցած էր զինքը :

Շանթահարուած կռճղի մը պէս գամ-
 ուած էր կայնած տեղը . կը չնչէր , կ'ապրէր

բայց ոչ այնպէս , ինչ պէս կ'ապրի մէկը լիա-
 շունչ . մէկ խօսքով , կենդանի մեռեալ մ'էր
 խեղճ սղան :

Վայրագ ոճրագործը մէկ երկու խօսք
 փոխանակեց քիւրա ընկերին հետ , թէպիտե
 երկուքն ալ քիւրտերէն կը խօսէին , սակայն
 Յակօբ այդ լեզուին մի քիչ ծանօթ ըլլալուն
 հասկցաւ որ սպաննուած ընկերը գետաժոյնը
 նել կուզէն , և անոր մարմինը յանձնել եփ-
 րատայ ալիքներուն . խառնել անոր արիւնը
 հազարաւոր հայերու արիւնով ներկուած չու-
 ըին և թաղել զայն դարերու գազանիքները
 պարածածկող ամենակուլ անդունդին յատակը :

Չարհուրեցաւ Յակօբ ծրագրուած խոս-
 հուրդէն որ ծնունդ կ'առնէր սև հողի երկու
 գազաններու մտքին մէջ :

Չիաւօր քիւրտերը իջան իրենց ձիւրէն
 վար , այն որ լոկ ականառէս եղած էր կարօի
 սպանութեան , հեռացաւ , անչուշա մեծկակ
 քար մը գտնել ու բերելու նպատակաւ . սա-
 պարէզին վրայ միայն երկուքը մնացին ,
 — Քիչ վերջ քու հաշիւդ ալ կը ըննցնեմ , ը-
 սու մարդասպանը . եթէ կրկին յամառիս իմ

առաջարկս ընդունելու , քու վիճակը ալ այս է . ուրեմն խորհէ և առանց ժամանակ կորսնցնելու ընդունէ որ ապրիս :

Այս ընկէն վերջ ձին տարաւ կապելու քսան քայլ անդին գանուող ծառի մը , ընկերին ձին դիակին քով էր :

Յակոբի մտքէն խորհուրդ մ'անցաւ յանկարծ . թէպետև ծայրայեղ ու վտանգաւոր էր այս ծրագիրը , բայց միևնոյն ատեն փրկութեան տարբեր միջոց չ'կար , կամ պէտք էր մեռնիլ և կամ փախչելով ազատիլ , եթէ կրր նար . ուստի առանց վայրկեան մ'իսկ կորսնցընելու , քիւրտին հեռանալը պատէ՛հ ասիթ նկատելով խոյացաւ ձիուն քով և ցատկեց վրան . քիւրտը չ'տեսաւ այս շարժումը . Յակոբ ձիուն վրայ հեծնին ու մտրակիլը մէկ բրաւ . ձին սուրաց դէպ 'ի ձորը . խարագանին շտաղիւնը արթնցուց ձին ծառին կապելու գրազող քիւրտը , որ գլուխը անկելով հասկըցաւ խկոյն թէ՛ որտը կը փախչէր ձեռքէն . — Վայ , կեալուս օղլու կեալուս , մանջեց աւազակը , կը փախչիս , հէ՛ . հիմա կը տեսնենք . բսին ու ձիուն վրայ ցատկիլը մէկ և .

դաւ . հաղիւ թէ՛ հարիւր քայլ յառաջացած էր , յանկարծ կանգ առաւ .

— Անէ՛ծք , գոչեց , հրացանս մոռցայ . . . ուղեց ետ դառնալ խկոյն . բայց վարանեցաւ , խորհեցաւ որ երթալ ու գալու պարագային թէրևս գո՛նը շատ հեռացած լլլար և գուցէ բոլորովին թոցնէր ձեռքէն . ուստի գլուխը շարժելով՝ ըսաւ . « ո՛չ , ետ դառնալ չ'լլար , բաւական է որ ասրճանակներս քովս են . ասոնք ալ հերիք են անգոր ու վախկոտ հայ լակոտ մը սատկեցնելու : »

Ուստի մարակեց ձին և արշաւանքը սկսաւ . Հարածողն ու հարածուղ շատ ու շատ հեռացած էին իրարմէ , ազատութիւնը անվրէժ էր Յակոբի , եթէ դժբաղդարար քիւրտին ձին աւելի արագնթաց չ'լլար . Յակոբ զգացած էր այս պարագան և վտանգի պատահականութեան պահուն ինքնապաշտպանութեան միջոցը խորհած ու կարգադրած էր :

Ձխաբչաւի օրերու յատուկ քառասուրանկ վազքով բաւական ատեն վերար հետապնդելէ վերջ՝ Յակոբ նշմարեց որ քիւրտը մօտեցած է իրեն , և արդարև աւազակը վտան իւր

որսը ձեռք ձգելուն սկսաւ գոռալ .

— Կեազուն , կը փախիս , հէ՞ . կը կարծես թէ՛ ձեռքէս պիտի կրնաս՞ ազատիլ . այս րոն-
լով մէջքէն ասորճանակը հանեց ու պարպեց .
Յակոբ մտրակեց ձին գէպ 'ի աջ , գնդակը
վրիպեցաւ . կատաճ քիւրտը երկրորդ անգամ
կրակեց , Յակոբ սուլակեցաւ ձիուն փորին
սակը . հարուածը կուրծքին ուղղուած էր .
Յակոբ այս անգամ ալ ազատեցաւ , բայց զըն-
գակը ձիուն ճակտին հանդի գերով խ' լճ կեն-
դանին վրնջեց սոսկալի կերպով , սասանե-
ցաւ ու թաւալեցաւ գետին .

— Ախ՛ եէզլիտ , պօռաց քիւրտը կատաղութե-
նէն փրփրելով և մերկացնել ուզեց սուրբ :

Յակոբ չ'թողուց անոր որ սուրը հանել
պատեանէն . կայծակի արագութեամբ բարձ-
րացուց ձեռքի գունտէ գաւազանը ու սոս-
կալի հարուած մը իջեցուց գլխուն . այն առ-
տիճան ուժգին իջած էր հարուածը որ քիւրտը
ոտնաց մատակ վազրի պէս , ձեռքը ճակտին
տարաւ . և ձիուն վրայէն թաւաղվոր ինկաւ
գետին . Յակոբ խոյացաւ վրան , խից անոր
մէջքէն երկասյրի դաշոյնը ու միսեց ուղղակի

կոկորդը . քիւրտը երկրորդ անգամ ըլլալով
երկար խոնտիւն մ'ունեցաւ , աչքերը գոց-
ուեցան և մարմնական ցնցում մը վերջ տը-
լաւ գոյութեանը :

Յակոբ գո՞ էր , իր տարաբաղդ ընկերին
վրէժը առած էր :

Աղատած էր մէկէն , կը մնար երկրորդ
քիւրտը , որ թէրևս վերադառնալով անկենդան
կարոյն քով և հոն ամայի տեսնելով կասկա-
ծէր ու հետազնոյել մտածէր :

Այս հաւանականութիւնը եթէ իրակա-
նանար , երկրորդ վտանգի մը առջև պիտի
գտնէր ինքզինքը Յակոբ . որմէ զգուշանալու
և խուսափելու միակ միջոցն էր հեռանալ
ընդօրոյթ ոճրին վայրէն . ուստի ստանց ժա-
մանակ կորոնջելու մօտեցաւ սոսկատեսիլ գի-
ակին քով ու անխտով սրտով մերկացուց
զայն իր զէնքերէն . առաւ տորճանակները ,
սուրը և դաշոյնը , վառօդամանն ու կապար-
ները , չուզեց ամնել ձին , կասկածելով որ
գուցէ փախուտտի միջոցին կը պատահի քիւր-
տերու , որոնք սարմնուած քիւրտին բարեկամ
ըլլալով՝ ճանչնան ձին և այսպէսով զլխուն

նոր փորձանք մը կը պատահի . ճիշդ այս պահուն հետեւին ձայն մը լսեցցաւ , Յակոբ դուշակեց իսկոյն . անշուշտ քիւրափն ընկերն էր որ , իր ընկերին կը ձայնէր և զանի չ'գտնելով խուզարկելու ելած էր . անանալու ատեն չէր , պէտք էր խոյս տալ վառնդէն . թէպէտեւ այժմ բաւական զինուած էր ինքնապաշտպանուելու համար , բայց խոհեմութիւն չ'համարեց ճակատաբաց կանդնիլ ակներե վրասանգին առջև . ուստի փութաց մաղցիլ ձորին վերելքը , բարձրացաւ մինչև խիտ թուփի մը ետին , ու հոն սպաստանեցաւ :

Իրօք քիչ վերջ նշմարեց Յակոբ քիւրաք որ սունալով կը վազվզէր ու կը մօտենար ոճրին վայր :

Գարանակալ որսորդի մը ճարտարութեամբ ուղղեց Յակոբ քիւրաքն գրաւած ^{ուստի ձայնակ} ~~վայր~~ ղէպի քիւրաք , սպասեց ինքնափրատահութեամբ , բտտ որում կարող էր մէկ հարուածով գետին փռել զայն , եթէ փորձէր զիպուածով թուփին մօտենալ :

Որքան խղճամիտ էր գեղջուկ հայորդին , չէր ուզէր պարապ տեղը արիւն թափել , չէր

ուզեր ոճիր մը ևս գործել . թէև լաւ զխաէր թէ՛ անոնք որքան կատրած թշնամիներ էին Հայուն և ո՞ր ստտիճան ծարաւի հայու արիւն խմելու :

Քիւրաք հե 'ի հե վազելով մօտեցած էր գեանատարած զիակին , սարսափահար կանգ կ'առնէ հոն , և ծռելով կը ճանչնայ իր ընկերը՝ կոկորդէն հոսած յորդահոս արեան մէջ գրեթէ անձանաչ , քիչ մ'անդին , անկենդան փուռած էր նաև իր սիրելի ձին :

Աննկարագրելի էր քիւրաքն զգացած յուզումն ու սարսափը . կը ծռի անդամ մ'ալ նախելու համար , այլ ևս կասկած չ'կար , իր ընկերն էր աչքին առջև . այն հսկայ գողխաթը՝ որ քիչ մ'առաջ մէկ հարուածով կըրցած էր մարդու մը գանկը երկուքի բաժնել , և հիմա ինքն ալ անկենդան փուռած էր գետին . գլուխը ջարխախուռած ու կոկորդը փոզոտուած . անըզան յարոտատու կը բղձկի , անգութը կը խշխշայ . անէ՛ք , լուտանք , հայրուչ ձորը կ'արծաղանքն , մազերը կը փետէ և կատաղութենէն կը պատռէ զգետաները , ոչ ոք կար իրեն ցաւակից , ոչ ոք՝ եղելու թիւնը պատմող իրեն ,

ինչպէս ինկած էր իր ձին, ո՞վ էր անոր դա-
նիճը, ինչպէս եղած էր որ իր ձին կէյնար ու
լնկերին ձին հոն էր, կայնած՝ գիտիին քով. ո՞վ
պիտի լուծէր այս գաղանիքը . խեղճ մարդը՝
ո՞ր մէկ կորուստին վրայ չ'ողբար :

Յակոբ թուփին ետեւէն կը գիտէր այս
ամենը . հրճուանք կ'ըզար անոր հոգեկան տա-
ռապանքը գիտելով . հոգարտութիւն մը կ'ըզար
իր քաջութեան վրայ, գոհ էր սրտով ու հագ-
ւով, որովհետեւ եթէ կորուսած էր իր մէկ վա-
ղեմի ու սիրելի ընկերը, գոհէ կըցած էր անոր
վրէժը լուծելու . յաւիտենականութեան գործ
չէր թողած :

Բաւական ժամանակ անօգուտ վայնա-
տուէններէ վերջ՝ գիտիին առջև ծնրադիր քիւրտը
ուսքի կ'ենէ, աչքը կը սնկոտ չորս զին :

Մեր փոքրիկ հերոսը ծնգան վրայ կուգայ
այս անգամ, ու կը պատրաստուի կրակ ընել
ջիւրտին վրայ, եթէ անիկա փորձէր դէպ իր
կողմը բարձրանալու . բարեբաղդաբար դուշա-
կութիւնը սխալ կ'ենէ . քիւրտը ուղղակի դէպ
ի՛նչոր կը յառաջանայ, և քիչ յետոյ կը բերէ
իր հետ գիրկ մը չոր խոտ, որով կը ծածկէ

տարաբաղդ ընկերին մարմինը, անշուշտ մինչ
իր վերադառնալը, վայրենի գազաններու կեր
ուլլալէն անիկա պահպանելու համար :

Յետոյ ձին հեծնելով կը հեռանայ սրար-
չաւ դէպ ՚ի Եփրատ գետը . Յակոբ ազատ շունչ
մը կտանէ . աղաւած էր երկրորդ մահափորձէն :

ԳԼՈՒԽ . Բ

359/33

160-2014

Որ և է արդեղք չ'կար այլ ևս . Յակոբ
կրնար ճամբան շարունակել՝ ուստի ոտք ելնե-
լով ուղղուեցաւ կրկին դէպ ՚ի Սարբերդ . Ակն
երթալու դաղափարը թողուց . իր ընկերին ան-
ակնկալ սպանութիւնը յեղաշրջած էր բոլորո-
վին ծրագիրը :

Սակայն գիշերը սկսած էր արդէն . մը-
թութիւնը ու սիրող լուսթիւնը ստիկուժ կը
պատճառեն մարդուս, մանաւանդ անոնց՝ որոնք
կը ճամբորդեն առանձինն . բայց Յակոբ՝ հա-
կատակ իր տարիքին, կը յառաջանար աներ-
կիւզ . կուզէր հեռանալ այն վայրէն, որ ախուր
յիշատակներ կ'արթնայնէր մտքին մէջ :



Կը կարէ , կ'անցնի լեռ ու ձոր , ան-
ընդհատ կը քայլէ , մերթ խորասուզուած՝ տը-
խուր պատահարներու մտածումներու մէջ ,
մերթ թեթեցած զինք ճնշող հոգերէն ու երկ-
նառաք յոյսով մը ոգևորուած :

Համատարած մթութիւնը , գիշերային
խոր ու անաբեկիչ լուսթիւնը անդոր կը մնան
ընկճելու անվիհեր պատանին՝ որ անվհատ ոգ-
ւով կը յառաջանար երկնակամարին զրաջ
փարփող աստղերու աղօա լոյսովը ասաջնոր-
դուած , և այս յաբառ ու սոկուն քայլուած-
քով կը յաջողի կէս գիշերէն մէկ ժամ վերջ
հասնիլ հայ աւան մը , ուր կը գտնուէր իր
հօրը բարեկամներէն , Աւօյի տունը :

Ուղղակի քայլերը կ'ուղղէ դէպ 'ի այդ
ապատանարանը և հասնելով հոն ուժգնակի
կը զարնէ դրան , ոչ մէկ ձայն չ'պատասխանէր ,
անգամ մ'ևս կը բաղխէ Յակոբ և երկիցս
կրարու վրայ :

Աւօ ընդոտտ կ'արթննայ անուշ քթանէն ,
մտիկ կրնէ , կը լսէ երրորդ անգամ դրան ձայ-
նը . ո՞վ կրնար բլլալ գիշերուան այս պահուն
իր դուռը ձեռք առնողը . հարիւր կասկածներ

կը պղտորէր խեղճ մարդուն միտքը . չ'համար-
ձակիր երթալ ու դուռը բանալու , չ'ուզէր
ձայն տալ իր կնօջը որ կը քնանար հանդար-
տօրէն . և սակայն դուռը կը զարնուէր անդա-
դար , պէտք էր վերջապէս բանալ զայն ,
յանձն ամուկով ճակատադրական ամեն հեռե-
ւանք . ուստի տխուր համակերպութեամբ մը
ուր կ'երնէ խեղճ գիւղացին :

Յակոբի վիճակը անտանելի էր , յոգնած
ու թուլցած կը դողդաղար խեղճ տղան . մոռ-
ցած էր ամեն բան , անօթութիւն , հոգեկան
ստորնալ . գէթ դուռը բացուէր :

Յուսահատ վայկեաններու մէջ երբեմն
հայնճարներ կը ճառագայթեն . դրանք վրայ
նեղ անոյք մը նշմարեց պատանին , կրնար ա-
նկալ իրր դուռ ծառայել իրեն . բարձրացաւ
հոն և յաջողեցաւ ներս անցնիլ ու նեղուիլ
բակը . տեղեկներուն հանդիսար չ'խտովկա-
համար ոտքին ծայրերուն կոխելով յառաջա-
դու դէպ 'ի անհակ . այս պահուն Աւօ դուրս
կ'եղնէր դուռը բանալու . երկուքն ալ մութին
մէջ խարխարելով կը յառաջանան ասանց դի-
ար տեսնելու . և անա յանկարծ սոսկալի

բաղխում մը կ'ունենան . Աւօ կ'իյնայ գետին սուր ճիչ մը արձակելով , բայց իսկոյն ոտքի կ'ենէ դարձառակալ թշնամիին դէմ իր անձը պաշտպանելու համար .

— Մի վախնար , Աւօ ջան , կ'ըսէ Յակոբ . թշնամի չեմ ես .

— Ահ , դու , Յակոբ , բայց . . . այս ատեն հո՞

— Եզուր երթանք , վերի սենեակդ , չեմ ուզեր որ մեր խօսակցութիւնը ուրիշները լսեն .

— Բայց ի՞նչ պատահեցաւ . . . խօսէ՛ . . .

— Ոչ , ոչ , եկուր . հոն կը պատմեմ .

Երկուքը միասին առանձնացան սենեակ մը՝ ուր Յակոբ պատմեց մի առ մի այն օրուան պատահարները , դանց չ'առաւ ոչ մէկ կէտը . երբ լրացաւ պատմութիւնը Յակոբ ըզրաց որ գիւզացին կուլար գազանաբար :

— Հիմա որ լսեցիր ամեն բան , ըսէ՛ ինձ , սիրելի հօրեղբայր ի՞նչ կը խորհիս . դուն ի՞մ հօրս անկեղծ բարեկամն էիր , անշուշտ իմս ալ ես . ուրիշ մէկու մը չ'պիտի համարձակէի կեանքիս այս գաղտնիքը յայտնել . բայց քու վրայ վտահուութիւն ունիմ ե քու խորհուրդդ կրնայ առաջնորդ ըլլալ բռնելիք մեթոտիս .

— Կը գովեմ քաջարտութիւնդ Յակոբ , դուն պարտքդ կատարած ես , կեանքդ փրկելով հանդերձ ճշմարիտ հայրենասէրի մը պարտքն ալ կատարած ես . ուստի ամեն հայու համար առաջին պայման է սկզբունք պէտք է լլլայ գազանապահութիւնը :

Երկուքը այսպէս ստանձինն բաւական ատեն կարծիքներ փոխանակեցին . Աւօ կրնդ գիմանար Յակոբի գաղափարին , յոյց տալով անոր թէ՛ այս գաղտնիքը պէտք էր մեռցնել ե չ'յայտնել զայն ե ոչ մէկու մը , մինչդեռ Յակոբ անկեղծ ըլլալով չ'էր ուզեր որ մթութեան մէջ պահուի ան , քանի որ օր մը անպատճառ պիտի յայտնուէր :

Աւօ վերջապէս տեղի տուաւ Յակոբի կարծիքին , միայն յանձնարարեց անոր խոհմութիւնը ձեռքէ չի ձգել ամեն պարագայի :

Արշալոյսը սկսած էր ծայր տալ , Յակոբ ուզեց բաժնուիլ Աւօէն . ուստի վրան ինչ զէնք որ ունէր յանձնեց Աւօի .

— Ա՛ն , պահէ ասոնք . չ'ըլլայ որ դու ալ մէկու մը յայտնես ասոնք քեզի յանձնիս , չեմ ուզեր որ իմ պատճառովս քու անձդ ալ վը-

տանգուի . ես հիմա կը բաժնուիմ քեզմէ .
— Բայց ինչո՞ւ այդքան կ'աճապարես , դեռ
լուսնալու բաւական ատեն կայ .

Յակոբ մտիկ չ'ըրաւ . մնաս բարովը ըսաւ
ու դռնէն դուրս ելաւ :

Խեղճ տղան մտքին դրածը ժամ առաջ
գործադրելու եռանդէն մղուած՝ արագ արագ
կը յառաջանար . թէպէտև միտքը դրածը ծանր
հեռանքներ կրնար ունենալ , բայց հաստա-
տապէս որոշած էր , չէր ուզեր խախտիլ :

Արեք ծագած միջոցինանոր Ոստիկանա-
կան դռնէն ներս մտնելը կը տեսնենք . ուղ-
ղակի կը ներկայանայ ոստիկանապետին ու կը
պատմէ անոր բովանդակ եղելութիւնը :

Ոստիկան զինուորաց պետը , որ դաժան
մարդ մ'էր , լսելով այս գէպքը , կ'այլայլի ,
կ'ապշի , չ'ուզէր հաւատալ անոր պատմածին .
հայ մը , մանաւանդ տնիորձ ու անլօր պա-
տանի մը ի՞նչպէս կրնար այդպէս գործ մը 'ի
գլուխ հանել և ի՞նչ համարձակութեամբ կ'ու-
զար ինքզինքը մասնելու ևս ռավարութեան ,
չէր գիտեր մարդը Յակոբի՝ այսպէս վարուելուն
բաւն նպատակը :

Նրկու քիւրդերը հաւրաւար եղեննա-
գործ ըլլալով՝ Կառավարութիւնը պաշտօնական
հրամանագրով կարտօնէր անոնց սպանութիւնը
և վարձատրութիւն կը խոստանար զանոնք
ողջ կամ մեռած Կառավարութեան յանձնողին .

Յակոբի ծանօթ ըլլալով այս պարագան ,
խոստացուած վարձատրութիւնէն հրապուրուած
աներկիւղ դիմած էր մի այսպիսի ծանրակշիռ
յայտնութիւն ընելու . ոստիկանապետը քանի
մը զինուոր ու Յակոբը առած փութաց երթալ
հարցաքննիչ պաշտօնէին հետ ոճրին վայրը :

Իրակը հոն էր տակաւին . նախնական
քննութիւնը լրացաւ . իբր սպացոյց իր ըսած-
ներուն ստուգութեանը՝ Յակոբ առաջնորդեց
զանոնք Աւօյի տունը և անկէ պահանջեց իրեն
աւանդ ձգած զէնքերը . Աւօ հրկիւղէն նախ
ուրացաւ , բայց Յակոբի փաստացի խօսքերէն
ձարահատ՝ յայտնեց թէ՛ հորը նետած էր . ան-
երկիւղ պատանին խեղճ իջաւ հորին մէջ և
քառորդ ժամ վերջը դուրս առաւ զանոնք :

Պաշտօնեայք առաջնորդեցին Յակոբ Կու-
սակալին որ՝ լսելով եղելութիւնը , հրամայեց
բանտարկել զայն մինչ 'ի գատավարութիւն :

ԳԼՈՒԽ Գ .



Սննդաբաղադրելի եղաւ Յակոբի յուստիա-
բութիւնը . երբ ինքզինք բանտին մէջ գտաւ .
համբերեց ստեղծն աննկուն արիւթեամբ :

Երկար չ'տեսեց այս վիճակը . բանտաբ-
կութեան երջողը օրը դատաւարութեան կան-
չութեցաւ . բայց ո'րչափ մեծ եղաւ զարմանքը
երբ գատարած մանկով' տեսաւ ամուսնեբու
վրայ բազմած՝ քաղաքին էն յետագէմ գէւք-
երը , որոնք պիտի գատէին զէնքը իրր ան-
աչառ գատարներ . Յակոբ զգաց իր վիճա-
կին ծանրութիւնը , բայց սնխտով մնաց :

Օրինական ձեռակերպութիւններէն վերջո
Նախագահը հարցուց անոր :

- Դ՞՞նն սպաննեցիր այս մարդը .
- Այ՛ո , տէր Նախագահ .
- Ի՞նչ պատճառաւ .
- Անձս պաշտպանելու համար .
- Ինչպէ՞ս պիտի կրնաս ապացուցանել ի՞նչ
կեանքը վատնողի մէջ էր .

— Տէր Նախագահ , երբ աչքիդ առնե ընկե-
րըդ կ'սպաննեն անխղճօրէն և անոր մարմինը
գետին ալիքներուն կուտան . երբ դուն կը
փախչիս , անիկա քեզ կը հալածէ փրփրած ու
կատողած , ի՞նչ ընել պէտք է այդ ճակատագր-
բական բուլէին , այդ ա՛նաւոր ճգնաժամին ուր
սուրբ կը շողայ զխուզ վրայ . պայքարիլ վը-
տանգին դէմ , կուռիլ մահուան դէմ . ա՛հա ինչ
որ բքի ես , ին՛չ որ կընէ ամեն մարդ . ոճիր չը
գործեցի ես , կեանքս պահպանեցի , որով և
ազատեցի ծննդաւայրս կառավարութեան հե-
տապնգած չարագործի մը պղծութիւններէն :

— Լա՛է՛ , լիրք ստախօս , պօռաց ժողովէն մէկը :
— Բաւական ճարպիկ կերեաս սուտեր հնա-
րելու , ամբաստանեալ , յարեց Նախագահը .
յուք՝ երկու ընկեր սպաններ էք այս Բիւրդը ,
անոր զէնքերը ձեր մէջ բաժնած ատեննիդ ,
վէճ մը կուռնուք և դուն կ'սպաննես ընկերդ .
ա՛հա մեր քննութեանց սպացոյցները :

— Սու՛ս է , սու՛ս , թոթովեց ստեղծմով :
— Դատաստաղը բերէ՛ք , բաւ Նախագահը :
Ոստիկանք ներս բերին քողարկեալ կին մը
— Զէյնէ՛ պ , ա՛հա քու ամուսնուդ սպանիչը
ի՛նչ ունիս ըսելիք :

Կինը վերէն վար աչքով չափեց Յակոբը ,
մատակ վագրի մը կատաղութեամբ :
— Անկարելի է . ինչ , այս բղէզը իմ էրիկ

ազանն է . ո՛չ . չեմ կրնար հաւատալ . էֆէնտի .
իմ հսկայ արքա միայն իր Ալօ-րնկերը ազաննա՞ծ
կրնայ բլլալ :

— Սակայն ինքն է որ կը խոստովանի յան-
ցանքը . ուրիշ ըսելիք մը ունի՞ս :

— Արեան տեղ արեւն կուզեմ, ահա ըսելիքս .
— Դատավարութիւնը վերջացած է :

Դատաւորք առանձնացան լսելեան հիւ-
սելու համար խեղճ սղուն գատակնիքը :

Կէս ժամ վերջ ժողովին քարտուղարը կը
կարդար վճռագիրը , որ կը ծանուցանէր երէք
սարի բանտարկութիւնն :

Արձակուած վճխը մեծ յուզում պատ-
ճառեց ունկնդիր բազմութեան մէջ . ժխտին
ու ազմուկը մեծ համեմատութիւններ առնել
սկսած էր , նախագահը խոսովութիւն մը գա-
չակիքով՝ խնկեմութիւն բրաւ ցրուել խոսժանը :

Իսկ Յակոբ քարացած էր . խեղճ տղան
իր գէձ արձակուած անիրաւ վճիտին կը խորհէր :
ստիկանները զայն բանտ տարին : (*)

* Այս դէպքը կը պարտէ Սահմանադրութեան հաւա-
կուելն ճիշտ ըլլաւ ասիս յետոյ և այս անիբաւ ու-
ժեծաղելի վճիտը կ'արշակուի կարեւոր գաւառի մը
դատարանին մէջ . այս պարագան խորհել կուտայ
մեղ ինչ որդարեւ իսպառ անարժան պիտի ըլլատ
վայելելու այդ պարգևը կենսադատ , ցորէսի զարի
ճանաչ որդար . ուղղափոյ , հայրենասէր առաջնորդներէ


Բանտային վիճակը ծանր եկաւ փոքրիկ
կայանուօրին . զուարթ էր արտում եղաւ ,
ստոյգ էր դեղնեցաւ . բանտի յնակիչք առ հա-
նարակ կը սերէին զինքը , կ'աքանչանային ա-
նոր վրայ . լոյս չէին անոր քաջութիւնը . այս
համակրոնքը սակայն չ'մխիթարեց զայն . բո-
ղոքեց ամեն տեղ անիրաւ վճիտին դէմ . անկը-
սելի մնաց ձայնը . դատի ծնեց զլուր ու
յանձնուեցաւ բազկին : Դրոէն շատ մարդիկ
կուգային տեսնելու և հիանալու համար . ամե-
նուն հետ ալ սիրով կը վարուէր . զեղծուկն
իր ցաւն ու մխիթարութիւնը կը բերէր՝ ազ-
նորականը իր հայտ . սակայն ամոց և ոչ մին
կարող էր խեղճին ներքին զայրոյթը մեղմայնել .
լուս չաղք մը կը բարձրանար սրտին խորերէն ,
բո՛րքք անիրաւ ու սղակարծան պաշտօնեայնե-
րոն դէմ , բոլոր Համբատան անվերջանալի բըռ-
նակարս վնասն դէմ : Ուր էր այն յոյսը՝ որ կը
ծնէր մեր սրտերուն մէջ ինչ՝ Սահմանադրու-
թիւնը կուտար վերջակէտս դեկու անթիւ հա-
լածանքներու , կեղեքու մնորու և խորականու-
թեան գաւառիադներու . ուր բարձրացած էր
այն Դրօշը ԱԶԱՏՈՒԹԵԱՆ , ԱՐԳԱՐՈՒԹԵԱՆ
և ՀԱՒԱՍԻՐՈՒԹԵԱՆ , որուն ստով ոյիսի հա-
մակարակին թուրքիտոյնակ ամեն Ազգեր իրիւ
մէկ մօր հարազատ դատակներ . ամենքը երս՛դ ,
ամենքը երեսակայութիւն միշտ Հայն է սուժողը :

Այս ախուր մտածումներ կը խողջին խեղճ տղուն սիրար . կը ծծէին , կը քամէին անոր արիւնը . անցան սյապէս օրեր , շարաթներ ամիսներ արագ արագ . չորրորդ ամսոյ մէջ օր մը իրարու ետե հասան բարեկամներ և աւետեցին իրեն Վճռաբեկ Ատեանին որոշումը՝ որ 6 ամիսի կիջեցնէր Յ տարուան բանտարկութիւնը . շնորհիւ Առաջնորդի և Կուսակալի Փոխանորդին անուշ ջանքերու : Կենդանութիւն տուաւ այս լուրը տարաբաղջ Յակոբի . կեանք պարգևեց անոր : պիտի ազատէր քիչ օրէն , պիտի թողուր մարդկային Օրէնքէն անիծուած թշուառներու տունը և պիտի մանէր Աշխարհը—ազատ մարդոց Դրախտը :

Արդարեւ ահան գեղեցիկ օրերէն օր մը բաց ւեցաւ բանտին երկաթեայ դուռը և անուշ ձայն մը արձագանքեց իր անունը մթին նրբանցքներու մէջ . Յակոբ դուրս թուաւ . կապրէր այլ ետ :

Հրամայուեցաւ իրեն արտասանել սովորական յանկերգը « ՓԱՏԻՇԱՀԷՄ ԶՕԻ ԵԱՃ Ա » . Յակոբ ախուր համակերպութեամբ մրմնջեց աչք անունը արիւնաների , անունը Ապտիւլ—Համիտ ՄԵԾ—ՄԱՐԴԱՊԱԿՆԻՆ որ կապրէր երկար ժամէ : Եւ փոքրիկն Հերոս գնաց գրկելու ծնողքը , սիրելիներն ու բարեկամները . հիմա կապրի ազատ իր ծննդավայրին մէջ , սիրուած ամենքէն փառաւորուած ամեն Հայու սրտին մէջ :

ՎԵՐՁ .



56

0014298

2013

« Ազգային գրադարան



NL0014298

ԱԶԳ

Գրքերու պահեստը հեղինակին քով կը գտնուի
Տասը հաստ անոնողին մէկ օրինակ հուէր կը տրուի

Գին 1 1/4 ղրշ

Թօղառէն դուրս ամէն տեղի համար 60 փրյ

Ի մօտոյ լոյս պիտի տեսնէ

ՀԱՅ ՏՍՈՒՍՊԵՍԱԼՆԵՐ կամ

ԱՆՁՆՈՒԷՐ ԹՈՒՐԻ ՍՊԱՅ ՄԸ

Թարգմ. թրքերենէ

Ռ. ԱՍՍՍԵԱՆ

Տպագ. Յ.Կ. ՊՅՅԱՃԵԱՆ

ԵՒԴՈԿԻԱ